

廣東考古輯要卷四十六

物產

金類

金 漢書地理志桂陽郡有金官新唐書地理志康州新州勤州恩州崖州瓊州振州儋州萬安州欽州土貢金又嶺表錄異云廣州含涯縣有金池居人養鷺鴨嘗於屎中見麩金淘之得金三兩或半兩

生金 陳藏器本草云生金生嶺南夷獠峒穴中如赤黑豆碎石生鐵屎之類南人云毒蛇齒落在石中又云蛇屎著石上及鳩鳥屎著石上皆碎取毒處爲生金有大毒殺人

銀 唐書地理志廣州康州瀧州端州新州封州潘州春州勤州羅州辯州高州恩州崖州瓊州儋州萬安州欽州賓州廉

廣東考古輯要

卷四十六

物產

一

州陸州土貢銀

銅 唐書地理志勤州銅陵有銅連州連山有銅又張端義貴耳集云韶州洿水場以澗水浸銅會百萬斤鐵浸鍊二十萬銅兩廣三十八部皆有所輸輿地紀勝饒之張潛通方仗得變鐵爲銅之法使其子詣闕獻之朝廷行之潮之興利韶之洿水皆其法也

鉛 唐書地理志廣州化蒙有鉛穴一春州陽春有鉛九域志南恩州陽江一鉛場梅州程鄉石坑一鉛場又明統志德慶州及瀧水出錫高明銀鑛山卽鉛礦也

密陀僧 致和證類本草蘇恭曰出波斯國蘇頌曰今嶺南閩中銀銅冶處亦有之是銀鉛脚

錫 元豐九域志廣州清遠錢糾一錫場新會千歲一錫場潮

州橫街黃岡錦田三錫場康州端溪雲烈一錫場瀧水羅磨  
護峒二錫場惠州歸善永吉信上永安三錫場河源立溪和  
溪永定三錫場海豐靈溪楊安勞謝三錫場高州信宜懷德  
一錫場

鐵 唐書地理志連州桂陽有鐵陽山有鐵連山有鐵九域志  
廣州番禺銀爐一鐵場清遠靜定一鐵場端州高要浮蘆一  
鐵場南恩州陽春欖徑一鐵場梅州程鄉龍坑一鐵場惠州  
歸善三豐一鐵場

### 玉石類

琅玕 阮閱詩詁總龜云生南海石崕間狀如筍質如玉  
珊瑚 政和本草蘇恭曰生南海從波斯國來蘇頌曰今廣州  
亦有云生海底作枝柯狀明潤如紅玉中多有孔亦有無孔

### 廣東考古輯要

#### 卷四十六

物產

二

者枝柯多者最難得

水晶 月山叢談云中州水晶皆爲玩好瓊州五指山傍滿山  
皆是望之如雲而光過之人取之以爲假山有高至丈餘者  
紫石英 太平御覽東莞縣西北有爆山出紫石英舊以貢獻  
石鍾乳 政和本草蘇恭曰第一始興其次廣連案唐柳宗元  
有連山郡復乳穴記

磁石 瓊州府志云俗目吸鐵石粵南海巾多磁石之山海舟  
遇之觸石立碎故南海諸國常制籐船不用鐵釘以避其吸  
膽礬 韶州府志出翁源寶山明貢生熟礬十二斤後因採取  
艱難成化元年都御史韓雍奏罷之

雷公墨 嶺表錄異雷州驟雨後人於野中得石如黧石謂之  
雷公黑扣之錚然光瑩可愛

端石 端溪硯譜肇慶府東有山曰斧柯在江之南靈羊峽之對山也自江湄登山行三四里爲硯巖先至者曰下巖巖下有泉出大旱未嘗涸下巖之上曰中巖中巖之上曰上巖轉山之背曰龍巖巖乃唐取硯之所後下巖得石勝龍巖不復取山下稍東至半邊山巖沿溪而上曰半穴龍巖大抵石以下巖爲上中龍巖半邊山諸巖次之上巖又次半穴最下巖有兩口其中通爲一穴大者取硯所自出也水中者泉中水所自出陳公密所開也欲得下巖北壁石者往往於泉水石屑中得之若南壁石尙或可採然自崇觀以後亦罕得矣北壁石泉生其中非石生泉中則潤可知巖之上有泉珠散落如飛雨石眼正圓有青綠碧紫白黑暈十數重中復有眸子南壁石乃泉水半浸者稍不及北壁上巖有三穴上曰土地

巖以土地祠在其上名焉中巖曰梅樹巖下穴今石上名中巖者是也案宋蘇軾有端石硯銘唐李賀有端州紫石歌

英石 杜綰雲林石譜英州含光眞陽之間石產溪中有數種一微青色一微灰黑色一淺綠色各有峯巒嵌空穿眼宛轉相通頃年東坡獲雙石一綠一白又鄉人王郭夫亦携數塊歸高尺餘或大或小各有可觀

韶石 雲林石譜韶州黃牛灘水中產石色灰扣之微有聲又一種色深綠可鑄礮爲器

草類

地黃 寰宇記廣州土產施宿東坡詩注云羅浮所產不堪服食可飼馬

仙茅 本草綱目仙茅生西域今大庾嶺亦有之

胡黃連 政和本草蘇恭曰出波斯國蘇頌曰今南海亦有之  
初生似蘆乾則似楊柳桂枝心黑外黃

釵子股 嶺表錄異廣中多蠱毒彼人以草藥金釵股治之十  
救七八其狀如石斛

吉利草 稽會南方草木狀云莖如金釵股形類石斛根類芍  
藥交廣多蠱毒此草解之極驗吳黃武江夏李俛以罪徙合  
浦初入境遇毒其奴吉利者得是草與俛服遂解吉利卽遁  
去不知所之俛因此濟人不知其數

高良薑 本草綱目陶隱居言此薑出高良郡故名按卽今高  
州也其山高而稍涼因以爲名則高良當作高涼今嶺南諸  
州皆有之春生莖葉如薑苗而大花紅紫色

益智子 廣州記云葉如蘘荷長丈餘根上有小枝高八九寸

廣東考古輯要

卷四十六

物產

四

無花萼莖如竹筍子從心出一枝有十子叢生大如小棗核  
黑而皮白攝涎穢或四破出核取外皮密煮爲粽盧循送劉

裕益智粽是此也

按南方草木狀云益智二月花色若蓮此  
言無花萼誤矣又云出合浦建安八年交  
州刺史張津以益智子粽餉魏武

帝裴松之三國注所未採者也

蒟醬 南方草木狀云葦苳也生於番國大而紫謂之葦苳生  
於番禺者小而青謂之蒟醬可以爲食故謂之醬文選蜀都  
賦注蒟醬緣樹而生其子如桑椹熟時正青長二三寸以蜜  
藏而食之

山燕脂 北戶錄端州山間有花叢生葉類藍正月開花似蓼  
士人取含苞者爲燕脂粉亦可染帛如紅藍者也

甘蕉 南方草木狀云望之如樹大者一圍餘葉長一丈或七  
八尺廣尺餘二尺許花大如酒杯形色如芙蓉莖末百餘

子名爲房相連累甜美根如芋魁大者如車轂實垂華每華一闔各有六子先後相次子不俱生花不俱落一名芭蕉或曰芭苴剝其子上皮色黃白味甜而脆亦療饑其莖解散如絲以灰練之可紡爲絺綌謂之蕉葛三輔黃圖曰漢武元鼎六年破南越建扶荔宮以植所得奇草異木有甘蕉二本水蕉 南方草木狀云如鹿葱或紫或黃吳永安中孫休嘗遣使取二花終不可致但圖畫以進

水葱 南方草木狀云花如鹿葱有紅黃紫三種出始興婦人懷孕佩其花生男卽此花非鹿葱也交廣人佩之極驗然其土多男不常佩也案萱草一名鹿葱佩之宜男故又名宜男草水葱與萱草相似或萱之別種也

蛇總管草 本草有蛇銜一名威蛇蘇頌曰人家種之辟蛇一莖五葉或七葉今嶺南有蛇總管草卽威蛇也

廣東考古輯要

卷四十六 物產

女青 別錄曰蛇銜根也生珠崖案今海南有蛇總管木色紅微香能辟蛇土人製爲香串常佩之疑卽此也

冶葛 南方草木狀云毒草也蔓生一名胡蔓草實毒者多雜以生蔬悟者速以藥解不爾半日輒死山羊食其苗卽肥亦如鼠食巴豆也

膏藤 裴淵廣州記曰力陳嶺民人居之伐船爲業隨樹所居就以成槽皆去水艱遠山有草名曰膏藤津汁軟滑以地導地牽之如流五六丈船數人便運

野鹿藤 嶺表錄異南土多野鹿藤苗有大如雞子者有細如筋者儋臺瓊管皆制藤線編以爲幕桃紋爲花藥魚鳥之狀業此納官以充賦稅

何首烏 羅浮山志嶺南諸州多有之產羅浮者尤佳雄者苗

黃白雌者苗赤其生相遠夜則苗蔓交合或隱化不見

菖蒲 南方草木狀番禺東有澗中生菖蒲皆一寸九節安期生採服仙去又羅浮山記山中一寸十二節堅芬之極

昆布 陳藏器本草云生南海葉如手大似蓴葦紫赤色其細葉者海藻也案海藻南越志一名海落或曰海羅

芷草 爾雅釋草芷夫王郭璞注云芷草生海邊似莞藺今南越人采以爲席案芷音杜

越王餘算 劉敬叔異苑晉安越王渡南海將黑角白骨作算籌其餘棄水中而生此故葉白者似骨黑者似角遂名之

戒火 南越志廣州有大樹可以御火山北謂之慎火多種屋上以防火也本草經曰景天一名戒火一名水母花主明目輕身

廣東考古輯要

卷四十六

物產

六

宜南草 本草綱目生廣南山谷有莢長二尺許內有薄片似紙大小如蟬翼小兒女以緋絹袋盛佩之臂上辟惡止驚與萱草之宜男不同

睡草 述異記云出海南見之則令人睡一名醉草一呼爲嬾婦箴

甘藷 南方草木狀云蓋薯蕷之類根葉亦如芋實如拳皮紫肉白蒸鬻食之珠崖之地海中之人皆不耕稼惟種甘藷秋熟收之充糧糗名藷糧南人二毛者百無一二惟海中之人壽百餘歲者由不食五穀而食甘藷故爾

良耀草 南方草木狀云枝葉如麻黃秋結子如小粟煨食之解毒昔有得是藥者梁氏之子耀亦言梁轉爲良爾

虎耳草 廣州府志云有六尖尖有一刺屑之爲未遇盜賊順

風揚之著身則骨痛七日不敢言言則加痛七日多產陽春山谷

白草 韶州府志出仁化長三四寸莖葉與衆草無異每天雨先一日變白晴則如常

穀類 附酒

秬 呂氏春秋飯之美者南海之秬

粟 太平寰宇記信安縣封水雲粟山南中惟稻無粟此山種粟卽成

稻 抱撲子曰南海晉安有九熟之稻郭義恭廣志有虎掌稻紫芒稻赤穰稻蟬鳴稻七月熟稻有蓋下白正月種五月獲獲其莖根復生九月復熟青芋稻六月熟累子稻白漢稻七月熟此三種大且長

廣東考古輯要

卷四十六

物產

七

米豆 交州記曰出徐聞子美似烏豆枝葉類柳一年種二年收又寰宇記思靈島有米豆淮南子云豆之美者有米豆是此也

薏苡米 廣州府志云瑤人多種之以爲糧瓊州府志多出儋州崖州

千里酒 南史劉香傳桂陽程鄉有千里酒飲之至家而醒  
巖樹酒 郝志瓊州釀酒不用麴蘖有木曰巖樹檮皮葉和粳成酒又石榴花亦和釀數日成酒

菜類

綽菜 南方草木狀夏生於池沼間葉類茨菰根如藕條南海人食之云令人思睡呼爲瞑菜

薤菜 廣州記云薤菜生水中可以爲菹南方草木狀云冶葛

有大毒以薤汁滴其苗當時萎死世傳魏武能噉治葛一尺云先食此菜

優殿 南方草木狀曰合浦有菜名優殿以豆醬汁茹食之甚香美

芥 劉恂嶺南異物志云南土芥高五六尺子大如雞卵廣州人以巨芥爲鹹菹埋地中有三十年者貴尚親賓以相餉遺又曰唐孟瑄於嶺表買芥菜置壁下數日皆生四足有首尾能行走大如螳螂嶺表錄異曰北人將蔓青子就彼種者變爲芥

東風菜 裴淵廣州記云宜肥肉作羹香氣似馬蘭味如酪此菜先春而生故有東風之號

案徐鍇篆韻菜東風菜也別是一種與斷續二物同名爾

茄樹 南方草木狀交廣草木經冬不衰故蔬圃之中種茄宿

廣東考古輯要

卷四十六

物產

八

根有三五年者漸長枝幹乃成大樹夏秋盛熟梯樹採之五年後樹老子稀即伐去別栽嫩者

緬茄 高州府志云來自外國惟西岸老樹結子最佳

金釵瓜 裴淵廣州記曰有瓜冬熟號曰金釵味甜美

石花菜 本草綱目云生南海沙石間高二三寸狀如珊瑚有紅白二色枝上有細齒以沸湯泡去土沙屑沃以薑醋食之甚脆其根埋沙中可再生一種稍粗而似雞爪者謂之雞脚菜味更佳二物久浸皆化成膠凍郭璞海賦所謂土肉石華即此物也

龍鬚菜 本草綱目云生東南海邊石上叢生無枝葉狀如柳根鬚長尺餘白色以醋浸食之和肉蒸食亦佳博物志石髮似指此物與石衣之石髮同名也

藤菜 惠州府志云一名落葵蔓生葉柔滑可食出豐湖者尤

美蘇軾詩豐湖有藤菜似可敵蓴羹

案藤菜或云即東風菜

千歲蕨 北戶錄高潘州出千歲蕨

### 果類

石栗 南方草木狀云生於山石罅間花開三年方結實殼厚即肉少味似胡桃仁熟時或爲鸚鵡啄盡故彼人多珍之

橘 韓彥直橘譜云橘出閩廣南方草木狀曰白華赤實皮馨香有美味漢武有橘官長一人秩二百石主貢御橘吳黃武中土變獻橘十七實同一蒂以爲瑞異郡臣畢賀

化州仙橘 郝志云相傳仙人羅辯種橘於石龍之腹至今猶存惟此一株在蘇澤堂者爲最清風樓次之紅樹又次之其實非橘皮厚肉酸不中食其皮釐爲五片七片不可成雙治

### 廣東考古輯要

### 卷四十六

物產

九

痰症如神彼人云凡近州治聞譙樓更鼓者其皮亦佳

柑 太平御覽引唐書曰羅浮柑子開元中有山僧種於南樓寺其後常資進獻

變柑 北戶錄新州出變柑苞大於升皮薄如洞庭之橘傳云移植不百里形味俱變因名

橙 舟車聞見錄廣南橙子出新會者佳頂有紋如圓圈土人以此辨真僞陳獻章白沙子集詠橙詩俱稱枳壳不知所本荔枝 南方草木狀荔枝樹高五六丈綠葉蓬蓬冬夏榮茂青華朱實大如雞子肉白如肪甘而多汁至日將中翕然俱赤則可食也一樹下子百斛陳鼎荔枝譜云廣州荔以掛綠爲第一品實大味甘香與十八娘並驅玉露霜產新會崖門明月珠產南海番禺山中在掛綠之次妃子笑產佛山萬里碧

產東莞戴家園驪頂珠產順德龍巖山珊瑚產清遠山中案  
張九齡有荔枝賦宋蘇軾有詩

龍眼 南方草木狀樹如荔枝枝葉稍小殼青黃色形如彈丸  
核如木椀子而不堅肉白而帶堅甘如蜜一朵五六十顆作  
穗如葡萄然荔枝過則龍眼熟故謂之荔奴廣雅曰益智龍  
眼也又廣志曰龍眼樹葉似荔枝蔓延緣木生子如酸棗色

黑七月熟案龍眼一名益智也考龍眼生於樹益智子本草蔓生實二物而名同故朱翌也山集龍眼詩益智名同性即非是也龍眼肉白如荔枝廣志云色黑蔓延緣木生誤以益智為爾

橄欖 南方草木狀橄欖樹枝高數丈其子深秋方熟味雖苦  
澀咀之芬馥吳時歲貢以賜近侍本朝自泰康後亦如之

餘甘子 文選吳都賦注引薛瑩荆揚巴南異物志云餘甘如

廣東考古輯要

卷四十六

物產

十

梅李核有刺初食之味苦後口中更甘高涼建安皆有之案餘

甘乃橄欖中之味最佳者因初食苦澀良久回甘故名餘甘又名諫果

木威子 廣州記曰木威高丈餘如橄欖而堅削去皮以為棕

金樓子曰有樹名獨分為二株其東向一枝是木威南向一  
枝是橄欖

檳榔 文選吳都賦注云樹高六七丈正直無枝葉從心生大  
如楯其實作房一房數百實如雞子皆有殼肉滿殼中正白  
味澀得扶留葉與古賁灰合食之則柔滑而美交趾曰南九  
真皆有之南方草木狀云交廣人凡貴旅客必先呈此果若  
不設用相嫌恨

椰樹 南方草木狀葉如楸櫚高六七丈無枝條實大如瓜外  
有粗皮次有殼圓而堅剖之有白膚厚半寸味似胡桃而極

美有漿飲之得醉俗謂之越王頭云昔林邑王與越王有怨遣俠客刺之懸首於樹俄化爲椰子林邑王憤之剖爲飲器南人至今效之當刺時越大醉故其漿如酒

探榴 本草綱目二果名生交廣山中文選吳都賦探榴禦霜注云探子實似梨冬熟味酸榴子實如梨核堅味酸美

都念子 大業拾遺記南海郡都念子樹一百株樹高丈許葉如白楊枝柯長細花心金色花赤如蜀葵而大其子小如柿甘酸至美蜜漬爲粽益佳

都咸子 本草綱目生廣南山谷按徐衷南州記云其樹如李子大如指取子及皮葉曝乾作飲極香美

諸蔗 南方草木狀諸蔗一曰甘蔗交趾所生似竹斷而食之甚甘窄取其汁曝數日成飴彼人謂之石蜜南人云甘蔗可

廣東考古輯要

卷四十六

物產

十一

消酒又名干蔗司馬相如樂歌曰太尊蔗漿析朝醒是其義也泰康六年扶南國貢諸蔗一丈三節

盧橘 吳錄朱光爲建安太守有橘冬月樹上覆裏之至明年春夏色變青味尤酸美上林賦云盧橘夏熟盧黑色也蓋近是乎廣州記羅浮謂之夏熟實大如李剝皮食作酢合食則甘

映日果 本草綱目無花果凡數種映日果卽廣中所謂優鉢曇也

木類

五鬣松 羅浮山志云世言五粒松粒當作鬣今山上多五鬣松松脂入地千年變爲茯苓

琥珀 南海藥譜琥珀是海松木中津液初若桃醪後乃凝結

水松 南方草木狀葉於檜而細長出南海土產衆香而此木不大香故彼人無佩服者

杉 南方草木狀合浦東有杉一樹漢安帝永初五年春葉落隨風飄入洛陽城其葉大常數十倍術士廉盛曰合浦東杉葉也此休徵當出王者遣使驗之信乃以千人伐樹役夫多死者其後三百人坐斷株上食過足相容至今猶存

桂 廣志桂出合浦而生必以高山之類冬夏常清自爲林無雜樹羅浮山記曰羅浮頂有桂山海經所謂賁隅之桂賁隅卽番禺也

青桐 南越志青桐花頗似木綿而輝重過之

海桐 政和本草生南海及雷州近海州郡亦有之葉大如手作三花尖皮若梓白而堅韌可作繩入水不爛

廣東考古輯要

卷四十六

物產

十二

柯樹 廣志云生廣南山谷波斯家用木爲船舫者也

海紅豆 徐表南州記生南海人家園中大樹而生葉圓有莢相思子 本草綱目生嶺南樹高丈餘白色葉如槐花如阜莢其莢似扁豆其子大如小豆半紅半黑彼人以嵌首飾

朱槿 南方草木狀莖葉皆如桑葉光而厚樹高正四五尺而枝葉婆娑其花深紅色五出大如蜀葵有蕊一條長於花葉上綴金屑曰光所燦疑若焰生一叢之上曰開數百朵朝開暮落插枝卽活出高涼郡一名赤槿一名日及

木棉 本草綱目云有草木二種似木者名古貝似草者名古終或作吉貝交廣木棉樹大如抱枝如桐葉大如胡桃葉開花紅如山茶花黃蕊結實大如拳實中有棉南史所謂林邑諸國出古貝花中如鵝毳抽其紡爲布張勃吳錄所謂交州

永昌木棉樹實大如盃花中棉軟白可爲縕絮及毛布者皆指似木之木棉也江南淮北所種木棉四月下種莖弱如蔓八月採毬謂之棉花南史所謂高昌國有草實如繭中絲爲細纒名曰白疊取以爲棉甚軟白南越志所謂桂州出古終藤結實鵝毛紡如絲棉染爲斑布者皆指似草之木棉也

楓人 南方草木狀五嶺之間多楓木歲久則生瘤癭一夕雷雨其樹贅長三五尺謂之楓人越巫取之作術有通神之驗取不以法則化去

櫻櫚 政和本草云出嶺南木高一二丈無枝條葉大而圓其下有皮重疊裹之每皮一匝爲一節二旬一採皮轉復生結實如魚子黑色

桄榔樹 嶺表錄異云枝葉並茂葉下有鬚如粗馬尾廣人採

廣東考古輯要

卷四十六

物產

十三

之以織巾子其鬚尤宜鹹水浸漬卽粗脈而韌故人以此縛船不用釘線木性如竹紫黑色有文理樹皮中有屑如麪可爲餅

古度 文選吳都賦注古度樹也不華而實子從皮中出大如安石榴正赤初時可煮食廣州有之北戶錄云蟲母木卽南越志所云古度一呼那子南人號曰柁實如櫻桃黃卽可食過則實中化蛾飛出

菩提樹 舊廣州府志訶林有菩提樹梁智藥三藏携種樹大十餘圍根株無數

乙木 徐表南方記乙木樹葉擣之和糯葉汁煮之再沸味辛曝乾可投魚羹中

疎麻 南越志疎麻大二圍高數丈四時結實無衰落騷人所

謂疎麻兮瑤華

蘆頭 南越志南海江岸有蘆頭木葉如甘蔗織以爲帆疎暢  
懷風故帆不以布

緇 廣州記葉子並似椒味如羅勒嶺南人呼爲木羅勒

葇母 齊民要術葇母樹皮有蓋狀似栢櫚但脆不中用南人  
名其實爲葇用之常製作三四片廣州記曰葇葉廣六七尺  
接之以蓋屋

紫檀 通雅云出嶺南來自外舶格古要論性堅新者色紅舊  
者色紫有蟹紋

鐵力木 格古要論出廣東色紫黑性堅而沈重東莞人多以  
作屋

吐珠木 舊廣州府志堅如鐵力色比紫荊較赤爲海南之文

廣東考古輯要

卷四十六

物產

十四

木

鐵樹 粵東筆記高數尺葉如老少年花如桂而不香或云周  
甲子一開開必丁卯年然甚無異致

韓木 竹坡詩話潮州文公祠有異木世傳退之手植去祠十  
數步種之輒萎

文章樹 陶穀清異錄張曲江里第之側有古柘因狂風發其  
一根能爲器花紋甚奇人以公之手筆冠世目之曰文章樹  
華樹 顧微廣州記平興縣有華樹似槿又似桑四時有花可  
食甜滑無子

飲木 文選注朱崖海中有渚東西五百里南北千里無水泉  
有大木斬之以盆甕承其汁而飲之

香類

沉香 李石續博物志沉香雜木也儋崖海道居民橋梁皆香材如海桂橘柚之木沉於水多年得之皆為沉水香然生採之即不香也

案南方草木狀有蜜香沉香雞骨香黃熟香雞舌香馬蹄香八物同出一樹本草云諸品之外又有龍鱗麻葉竹葉之類不止一二十品皆產於海南各志所載蜜香鷓鴣斑箋香角沉馬蹄牛頭燕 璽粟梭子附子油速蓬萊箋皆沉香也

種類甚多不能備載

丁香 本草綱目云生交廣南番按廣州圖丁香樹高丈餘木類桂葉似櫟葉花圓細黃色凌冬不凋其子出枝蕊上如釘長三四分紫色中有粗大如山茱萸者俗呼為母丁香

降真香 本草綱目生南海山中其香似蘇枋木燒之初不甚香得諸香和之則特美以番降紫而潤者為良

苔塘香 寰宇記儋州土產苔塘十道四蕃志作占塘

苔蘆香 寰宇記高州苔蘆冬時採葉煎之氣甚芳澤尤宜洗

廣東考古輯要

卷四十六

物產

十五

阜衣

女兒香 郝志東莞種香之家其女兒輒於香稜角潛割少許藏之類多黑潤脂凝而佳

薰陸香 羅浮山志即羅香也一名馬尾香是樹皮鱗甲採之復生羅浮有越王島薰陸香

旃檀 羅浮山志出外國元嘉末增城有人於山見一大樹圓蔭數畝辛芳酷裂其間枯條數尺援而刃之乃旃檀也

鶴頂香 廣州府志云相傳古榕之腹有鳥啣香子墮其中久之香成有鶴盤旋其上精氣相感堅潤如脂焚之香烟翔舞悉成鶴形此香無種非所易得

奇南 嶺表錄異一作迦南一作琪南一作奇藍月山叢談海南人取迦南旋風諸香每數人合夥裹半月乾麩相與深人

山中求之或一二日即得或半月不得徒手歸者有香處卽有蟻封高二三尺隨挖之其下必有異香

龍涎香 遊宦記聞諸香中龍涎最貴廣州市值每兩不下百千次亦五六十千係蕃中禁權之物出大食國近海旁常有雲氣罩山間卽知有龍睡其下或半載或二三載土人更相守視俟雲散則知龍已去往觀必得龍涎或五七兩或十餘兩廣州府志龍涎香置盂水於前往撲入其中者乃真

### 花類

末利花 南方草木狀云似薔薇之白者香愈於耶悉茗按本草綱目云洛陽名園記作抹厲佛經作抹利王龜齡集作没利洪邁集作末麗蓋末利本番語無正字也

耶悉茗 南方草木狀耶悉茗及末利花皆自西南移植於南

### 廣東考古輯要

### 卷四十六

物產

十六

海南人憐其芳香競植之陸賈南越行紀曰南越之境百花不香此二花特芳香自別國移至不隨水土而變彼之女子以綵絲穿花心以爲首飾又方以智通雅云素馨花四瓣非五出或作耶悉茗所謂詹糖卽旃檀之轉也五羊城外有花田云南漢劉鈍之姬曰素馨死葬於此多生耶悉茗卽以素馨呼之其香不反茉莉之清也

水蓮 南方草木狀花之美者有水蓮如蓮而莖紫柔而無刺睡蓮 北戶錄云葉如荇而大沉於水面其花布葉數重凡五種色當夏晝開夜縮入水底晝復出也

梅 曰六帖云大庾嶺上梅南枝落北枝開羅浮志梅花十二月開結子繁如北杏山下有梅花村卽趙師雄遇仙處按嶺南梅花常與菊花相及所謂十月先開嶺上梅也羅浮山深

氣寒故以十二月開庾嶺梅花與江南異花頗類桃而唇紅故名紅梅驛

蘭 羅浮山志蘭生於幽谷葉潤而長四時常青莖節赤高四五尺春蘭秋蘭石洞左右有之品類不一曰丫蘭青蘭出架白鶴蘭又廣州府志賀正蘭每當立夏及元日始開故名又南雄州志有山蘭劍葉蘭

蕙 南方草木狀蕙草一名薰草葉如麻兩兩相對氣如薜蘿可以止癘出南海

蕃梔子花 嶺外代答云出大食國佛書所語簷葡花是也今廣州龍涎所以能香者以用蕃梔故也又有白色全似梔子花而五出人云亦自西竺來亦名簷葡恐非

菊 離騷草木疏北方隨秋之早晚獨嶺南不然至冬至乃盛

發嶺南地煖百卉造作無時而菊獨後開考其理菊性介烈不與百卉盛衰須霜降乃發而嶺海常以冬至微霜故也

含笑花 羅浮山志云紫蓓蕾而香清澈案宋李綱有賦其序云南方草木之美者莫若含笑綠葉素榮其香郁然是花也方蒙恩而人幸價重一時故感而爲之賦

紅蕉花 桂海虞衡志云葉瘦類蘆箬心中抽條二端發花色正紅如榴花荔子其端各有一點鮮綠尤可愛春夏開至歲寒猶芳又有一種根出土處特肥飽如膽瓶名膽瓶蕉

泡花 桂海虞衡志泡花南人名柚花春來開蕊圓白如大珠既拆則似茶花氣極清芳與末利素馨相近番人採以蒸香風味超勝

弔鐘花 肇慶府志出鼎湖山案弔鐘花木本花紅白色形如

鐘皆下垂簇生葉下每簇九花嶺南處處有之惟鼎湖山所產每簇十二花

鹿耳花 黃志生曠野沙地冬花黃如菊土人取鋪地葉去毛蕘食出萬州

木芙蓉 嶺外雜記潮州木芙蓉大如梧桐朝開粉紅午變大紅曉又變爲淡黃案此卽添色芙蓉一名三醉芙蓉嶺南在處有之不獨潮州也

步驚花 粵東筆記云有幽香步行遇之往往驚爲蘭蕙故曰步驚永安人每以嫩葉乾之持入京師作人事

竹類

阮俞竹 南海古蹟記番禺山一名禺山或云黃帝二庶子善音律採崑崙竹制黃鐘宮隱此山一云採阮俞竹

廣東考古輯要

卷四十六

物產

十八

越王竹 南方草木狀根生石上若細荻高尺餘南人愛其青色用爲酒籌云越王棄餘算而竹生

案與草類之餘算名同而實異

桃枝竹 裴氏廣州記曰有桃竹竹譜云皮滑而黃可以爲席篔簹最大者中甑射筒薄肌而最長節中貯箭因以爲名箨菸葉薄而廣越女試劍竹是也桃枝是其中最細者

竹 顧微廣州記曰一名員當節長一丈異錄曰始興曲江縣有篔簹竹圍尺五寸節相去六尺夷人以爲布葛

棘竹 嶺表錄異曰南土有棘竹枝上有刺南人呼棘曰勒自根橫生枝條展轉如織邕則舊以棘竹爲牆蠻蜒來侵竟不得入

斑竹 唐書地理志嶺南雷州土貢斑竹今潮州亦有之

龍鍾竹 南越志羅浮山生竹皆七八圍節長一二丈謂之龍

鍾竹北戶錄云貞元五年番禺有海戶犯鹽禁避罪羅浮山  
遇巨竹百丈萬竿竹圍二十一尺有三十九節節長二丈海  
戶破之爲箴會罷吏捕遂挈而歸時有軍人獲一箴以爲奇  
貨後獻刺史李復復命陸子羽圖而記之許氏說文有長竹  
節竹謂之筮音鐘得非羅浮山龍鍾之義乎案筮許氏說文無此字疑是籥字之誤

竹葉符 嶺南雜記羅浮有竹葉符片片有篆文可以辟書中  
蠹

桂竹 羅浮山志曰圖經今之刺船者多用桂竹案桂竹古之  
筮竹石介詩斷霞半赭燕支木零露偏留筮竹叢蓋其葉密  
防露故又名防露竹今揭陽人多取以制器甚精巧

思摩竹 南方草木狀云如竹大而筍生其節筍旣成竹春而

廣東考古輯要

卷四十六

物產

十九

筍復生節焉交廣所在有之

箴竹 南方草木狀皮薄而空多大者徑不過二寸皮粗澁  
以鏘犀象利勝如鐵肇慶府志云出陽江新興陽春德慶  
雲邱竹 南方草木狀雲邱竹一節爲船出扶南然今交廣有  
竹節長二丈其圍一二丈者往往有之

雲母竹 郭義恭廣志云大竹也

石林竹 南方草木狀似桂竹勁而利爲削切割象皮如刀潮  
州府志云揭陽大埔普甯頗多

燭竹 廣州府志多產永安土人採以代燭昔宋文丞相屯軍  
南嶺每生燃此竹火光照人今名丞相竹生於嶺南者葉有  
符文與他處異

器用類

筆 嶺表錄異番禺地無狐兔用鹿毛野狸毛爲筆又昭富春勤等州則擇雞毛爲筆其爲用與兔毫不異

人鬚筆 嶺南異物志嘗有郡牧得兔皮使工人削筆醉失之懼因翦己鬚爲筆甚善更使爲之因實對遂下令使一戶輸鬚不能置者輒責其值

蜜香紙 南方草木狀云以蜜 樹皮葉作之微褐色有紋如魚子極香而堅韌水漬之不潰爛泰康五年大秦獻三萬幅常以萬幅賜征南大將軍當陽侯杜預令寫所撰春秋釋例及經傳集解以進未至而預卒詔賜其家令藏之

側理紙 拾遺記張華造博物志武帝賜側理紙萬番此南越所獻南人以海苔爲紙其理縱橫邪側因以爲名

檳榔紙 格致鏡原云類木皮而薄瑩滑色微綠宋時人貢以

廣東考古輯要

卷四十六

物產

二十

書表

穀紙 毛詩正義穀幽州人謂之穀桑荆揚交廣謂之穀績其皮以爲布又擣以爲紙新唐書蕭廩父做出鎮南海地多穀紙做勅子弟繕寫缺落文史廩白書缺誠宜補葺然此去京師萬里不可露賫當須筐笥人觀兼乘謂是貨財古人薏苡之嫌得爲深戒做曰吾不

墨 何 春渚紀聞東坡在

潘谷造墨銘曰海南松煤

東坡法墨其法每笏用金

脂數餅故墨色艷發勝用丹

砂也

蕉布 寰宇記梅州土產蕉布

竹布 裴氏廣州記蠻夷披員當竹削古綠藤績以爲布

吉貝布 舊廣州府志土人於中春種吉貝核五六粒一坎以

土掩之五月生花結子殼內藏三四房烈日中房開有綿花垂下白如雪絞去其校紡以爲布細膩精密輕如蠶紙又名白氎布

絮 裴淵廣州記曰蠻夷不蠶採木棉爲絮

八筒布 南史宋武帝紀廣州常獻八筒細布一端八丈帝惡其精麗勞人付有司彈太守以布還之並制嶺南禁作此布葛布 韶州府志產韶州杜詩云韶州白葛輕

火浣布 太平廣記曰梁四公記南海商人賈火浣布杰公遙識之曰此火浣布也一是緝木皮所作一是績鼠毛所作

龍紗 述異記南海有龍綃宮泉先織綃之處出鮫綃紗一名龍紗以爲服入水不濡揚州有蛇市鬻珠玉而雜貨鮫綃鮫人卽泉先也又名泉客

廣東考古輯要

卷四十六

物產

二十一

輕容 唐書音訓輕容無花薄紗也卽子虛賦所謂織羅霧縠而爲廣中所作輕明若空蓋鮫人之遺製

椰葉席 西京雜記趙飛燕爲皇后其女弟在昭陽上襪三十條有椰葉席

白莞席 太平御覽宋起居注廣州刺史韋朗作白莞席三百二十領

紅藤簾 北戶錄瓊州出紅藤簾一呼爲笙或謂之行庚其色殷紅瑩而不垢

葵扇 晉書謝安少有盛名時多慕愛鄉人有罷中宿縣者還詣安安問其歸資答曰有蒲葵扇五萬乃取其中者捉之京師庶出競市價增數倍

椰杯 舊廣州府志石椰生子絕小可作酒盃注酒遇毒輒沸

起唐李衛公征蠻時常配一椰杯於玉帶環中大者爲瓢爲  
椀

阜茨杯 羅浮志云羅浮極多神仙傳葛仙翁斬阜茨樹爲杯  
以盛酒酒味益妙

鼻飲杯 桂海虞衡志南人習鼻飲有陶器如杯椀旁植小管  
以鼻就管吸酒漿暑月以飲水

弓 博物志交廣州山夷曰俚子弓長數丈箭長尺餘以焦銅  
爲鏑塗毒藥於鏑鋒中人卽死

銅鼓 桂海虞衡志古蠻人所用南邊土中時有掘得者相傳  
爲馬伏波所遺其製如坐墩而空其下滿鼓皆細花紋極工  
四角有小蟾蜍兩人舁行以手拊之聲似鞀鼓舊廣州府志  
粵俗凡遇嘉禮用銅鼓以節樂又有小者名鐺

廣東考古輯要

卷四十六

物產

二十二

蟲豸類

白蠟蟲 舊廣州府志生菁紬樹上樹如冬青蟲食樹汁吐沫  
成白脂鎔爲蠟至秋結苞如白卵是爲蠟種黃蠟成於蜜蜂  
白蠟成於此蟲瓊人多有養蓄者故白蠟出焉

赤翅蜂 陳藏器本草出嶺南狀如土蜂翅赤頭黑大如螃蟹  
穿土爲窠食蜘蛛蜘蛛遙知蜂來皆狼狽藏隱蜂以預知其  
處食之無遺

獨脚蜂 陳藏器本草出嶺南似小蜂黑色一足連樹根不得  
去不能動搖五月采之

蠶 文選吳都賦鄉貢八蠶之綿本草綱目南粵有三眠四眠  
兩生七出八出者其繭有黃白二色南海橫州有風繭絲作  
釣緡

海蠶 本草綱目李珣曰生南海小石間狀如蠶大如拇指其沙甚白如玉粉狀每有節難得真者

天蠶 舊廣州府志出陽江其食必樟楓葉歲三月熟醋浸之柚絲長七八尺色如金以作蒲葵扇緣名天蠶絲

青蛙 陳藏器本草生南海狀如蟬其子著木取以塗錢皆歸本處

蛺蝶 嶺南異物志嘗有人浮南海泊於孤岸忽有物如蒲帆飛過舟人競以物擊之破碎墜地視之乃蛺蝶也去其翅足稱之得肉八十斤噉之極肥美

蟻 嶺表錄異嶺南蟻類極多有黃色大於常蟻而腳長者交廣溪間酋長收蟻卵淘澤令淨溷以爲醬或云其味酷似肉醬非官客親友不可得也又續博物志馬緒謫潮得巨蟻長

廣東考古輯要

卷四十六

物產

二十三

尺餘鹽漬之歸誇北人

桂蠹 漢書南越尉佗獻桂蠹一器又大業拾遺記隋時始安獻桂蠹四瓶以蜜漬之紫色辛香有味啖之去痰飲之疾

木蟲 陳藏器本草云從木葉中出如白蛆漸大便飛卽能嚙物嶺南極多如古度化蟻耳

蜈蚣 沈懷遠南越志曰綏甯縣多蜈蚣其大者能以氣吸蜥蜴劉欣期高州志曰大蜈蚣出徐聞縣界取其皮可以鞞鼓嶺南異物志曰珠崖人每晴明見海中遠山羅列皆如翠屏而東西不定悉蜈蚣也嶺表錄異蜈蚣大者取其肉曝爲脯美於牛肉長數丈者能噉牛里人遇之則鳴鼓然炬以逐之十二時蟲 嶺表錄異蜥蜴之類土色身尾長丈餘腦上連背有髻鬣俗傳云一日隨十二時變色因名之北戶錄云不能

變十二色但黃褐青赤四色而已

鱗介類

蟠龍 沈懷遠南越志曰蟠龍身長四丈餘青黑色赤帶如錦  
文常隨水下而入海有毒傷人卽死

案廣雅龍未升天曰蟠龍

蛟 裴淵廣州記云新甯郡東溪甚饒蛟時害人曾於魚梁上  
得之

吉弔 裴淵廣州記云生嶺南蛇頭龜尾水宿亦木棲孫光憲  
兆夢瑣言曰海上人言龍每生二卵一爲吉弔多與鹿游或  
於水邊遺瀝值流則枯著木枝如蒲槌狀其色微青黃復似  
灰色號紫稍花

鼉 郭義恭廣志曰鼉長三尺有四足高尺餘尾如蝮蛇而大  
南方嫁娶必得食之

廣東考古輯要

卷四十六

物產

二十四

蛤蚧 政和本草云生嶺南形如大守宮身長四五寸尾與身  
等最惜其尾見人取之多有嚙斷其尾而去

蚺蛇 政和本草云陶宏景言出晉安蘇公言出桂廣以南高  
賀等州今嶺南諸郡皆有之在地行不舉頭者是假舉頭者  
眞南裔異物志曰蚺蛇牙長六七尺土人重之能辟不祥遠  
行賣一枚直牛數頭

兩頭蛇 南越志云無毒土人餌之兼名苑云兩頭蛇一名越  
王約髮俗占見之爲忌

歧尾蛇 太平御覽引廣志曰永昌郡有歧尾蛇宋元嘉中廣  
州有三人入山伐木見石窠中有三卵便取煮之湯始熱聞  
材中如風雨聲須臾有大蛇大十圍長四五丈逕來湯中銜  
卵而去三人未幾皆死

量人蛇 瓊州府志云長五六尺遇人必豎其身量人長短然後嚙之粵人云其量人也鳴聲曰我高人猝遇之亦應之曰我高其蛇自墜而死

石蛇 政和本草蘇頌曰出南海水旁山石間盤屈如蛇無首尾內空紅紫色以左盤者爲良

海鱮魚 嶺表錄異云卽海上最偉者也其小者有千餘尺每歲廣州常發舸船過安南貨易路經調黎深濶處或見十餘山或出或沒篙公曰鱮魚背也雙目閃爍鬚鬣若簸朱旗日中忽雨霹靂舟子曰此鱮魚噴氣水散於空風勢吹來若雨也及魚卽鼓船而噪倏爾而沒魚畏鼓物類相伏耳案水經居海底入穴則海水爲潮出六則潮退或云其出入乘潮非能爲潮也

鰩魚 南越記曰南越謂爲環雷魚長二丈子朝出食暮還母

廣東考古輯要

卷四十六 物產

腹常從臍入口出腹內有兩洞腹貯水以養子腹容二子兩腹則四子也其鰓鱗皮有珠文可以飾刀劍口

虎鰩 郝志云長五丈黃斑耳目齒牙皆似虎形惟無毛或變乃成虎

鮫魚 交州記出合浦長三丈背上有甲珠文堅強尾長三四

尺皮可以鑪物案博物志曰鮫鰩魚既生子子還入母腹尋復出任昉述異記曰虎魚老則爲鮫據此則鰩魚虎鰩鮫魚爲一物矣

鯊魚 菽園雜記廣東海鯊變虎近海處人多掘岸爲坡俟其前二足緣坡而上襲取食之若四足俱上則能食人而不可制矣

鱷魚 博物志南海有鱷魚狀如龜斬其頭而乾之斷喙去齒而更生如此三乃止嶺表錄異云其身土黃色有四足修尾

舉止趨疾口生鋸齒往往害人南中多鹿最懼此物李太尉  
貶官潮州經鱷魚瀨沈損舟船平生寶玩古書圖畫一時沈  
失召船上崑崙取之但見鱷魚極多不敢輒近乃是鱷魚窟  
宅也

海和尚 黃衷海語云人首鰲足身差長而無甲舟行遇者率  
虞不利宏治初吾廣督學韋彥質先生將視學瓊州陸至徐  
聞方登海舟此物升鷁首舉舟皆泣議將禳之先生方嚴人  
不敢白也試畢泛海而還若履平地語曰妖不勝德

人魚 海語云長四尺許體髮牝牡人也惟背有短鬣微紅耳  
間出沙汭亦能媚人船行遇者必作法禳厭

海術 酉陽雜俎南海有水族左腳長右腳短口在脅旁常以  
左脚捉物實於右脚右腳中有齒嚙之方內於口大三尺餘

廣東考古輯要

卷四十六

物產

二十六

其聲術南人呼爲海木

鋸魚 明一統志云亦名狼藉身長二丈口長六尺廣三寸左  
右齒如鋸

鰲魮 山海經鳥頭魚尾鳴似磬而生玉廣州府志云廣州海  
中出此

劍魚 海語云海魚千歲化爲劍魚一名琵琶形如琵琶而善  
鳴

印魚 海語云出南海似青魚而修廣過之腦後垂皮方徑三  
寸許若道巾上有黑文儼如篆籀

嬾婦魚 赤雅云似豪豬而小好食禾麥田畷以機杼織紝懸  
於滕望之而走雙乳垂腹取以煎油其膏百斛澆蠟作燭取  
以飲酒紫燄生花取以讀書昏昧泯黑

案嬾婦產瓊南溪  
中齒長則入海化爲

鯨奔

鹿魚 寰宇記羅州在海口回環三百里在縣口圖經云海中有魚形如鹿每五月五日悉登岸化為鹿小於山鹿

海馬 陳藏器本草云生南海形如馬長五六寸

烏賊魚 太平御覽引南越行記云烏賊魚有矠遇風浪便起虬前一鬚下矠而住腹中血及膽正黑可以書也世語烏賊懷墨而知禮故俗云是海若白事小吏

章舉 政和本草章舉似烏賊而差大生南海本草綱目云閩

粵人多採鮮者薑醋食之味如水母韓退之詩所謂章舉馬

甲也

案韓愈初南食詩註云有人足身上有肉如白亦曰章魚

石矩 嶺表錄異曰亦章舉之類身小足長入鹽為乾燒食極美又有小者兩足如帶曝乾後似射踏子故南中呼為射踏

廣東考古輯要

卷四十六

物產

二十七

也

鯧魚 陳藏器本草云生南海狀如鯽身正圓無硬骨

鏡魚 郝志圓如鏡或云即鯧魚

石首魚 嶺表錄異云狀如鱸魚隨其大小腦有二石子如蕎麥粒白如玉有好奇者市魚之小者貯於竹器任其壞爛即淘之取石子以植酒籌

鰩魚 嶺表錄異南人云魚之欲產子者須此魚以頭觸其腹而產俗呼為生母魚

鱗魚 本草綱目鱗魚作腊名鵝毛艇北戶錄云廣之恩州出鵝毛艇用鹽藏之其細如毛味絕美

文鯨魚 陳藏器本草云生南海大者長尺許翅與尾齊羣飛海上海人候之當有大風吳都賦云文鯨夜飛而觸網是矣

海蛇 本草綱目海蛇南人訛爲海折閩人曰蛇廣人曰水母無口眼腹下有物如懸絮羣蝦附之啞其涎浮泛如飛爲潮所擁則蝦去而蛇不得歸人因割取之浸以石灰礬水去其血汁色遂白

鱖鯪 本草綱目鱖鯪音逐夷其音赴者鮎魚也按齊民要術云漢武逐夷至海上造魚腸於坑中取而食之遂命此名沈括筆談云烏賊魚場也南史云齊明帝嗜鱖鯪今人以鰾煮凍作膏切片以薑醋食之呼爲魚膏者是也

鯪魚 嶺表錄異云如白魚而身短尾不掩清遠江多此魚不產於海也

鱒魚 劉敬叔異苑云盧循以義熙五年自廣州下船泊船江西衆多疫死事平之後人見死人髮辮變而爲鱒

廣東考古輯要

卷四十六

物產

二十八

鬼頭魚 韶州府志出樂昌榮溪味香美俗傳古曾入貢然此魚他亦間有之疑入貢亦僞漢時事

鱒魚 肇慶府志鱒魚多產端州以春時出浮陽見日則眩漁者於陽處取之一曰鱒龍

蠓魚 嶺表錄異云卽江湖之橫魚頭鬚長而鱗皆金色夜有光如燭

鱻魚 南越志尾上有刺如欖樹刺也

海蝦 嶺表錄異云皮殼嫩紅色前足有鉗者色如朱最大者長七八尺至一丈王隱晉書吳置廣州南陽滕修爲刺史或語修蝦長一丈不信後至海取蝦鬚長四五尺封以示修修乃服

天蝦 本草綱目嶺南有天蝦其虫大如蟻秋社後隨水化爲

蝦

卜龜 元和志海陽縣官鄣湖出名龜以卜勝於含涯龜也  
六日龜 游宦紀聞云出欽州雨眼餘四目乃斑紋金花圍中  
黑與眞目並排細辨方知非眞目也案宋史太宗時萬安州  
獻六眸龜卽今萬州也又文獻通考政和四年端州進六目  
龜是萬州端州亦產此龜

六足龜 羅浮山志云外國人貢留此於石洞大如函牛重百  
斤伏仆碑下遇雨則出小兒乘之若乘牛馬至冬而蟄至春  
乃出三月三日羣龜朝之貢者謂辟蠅龜是也所居果無蠅  
蚋

螞龜 政和本草云一名嘴螞生廣州嶺表錄異曰螞螞俗謂  
之茲夷乃山龜之巨者產潮循山中鄉人採之取殼以貨

廣東考古輯要

卷四十六

物產

二十九

鼈 新唐書地理志廣州土貢鼈皮嶺外代答欽海有介屬曰  
鼈大如車輪皮裏有薄骨十三如瑇瑁

係臂 楊孚異物贊係臂如龜生於海州

瑇瑁 嶺表錄異云形如龜唯腹背甲有斑點大者似盤蓋本  
草經曰解毒兼能辟邪

石蟹 政和本草曰生南海云是尋常蟹爾年月深久水沫相  
著因化成石每遇海潮卽漂出

崩 太平御覽南海有水虫名崩中有小蟹大如榆莢開甲食  
則蟹亦出食合甲亦還入

螿蝟 古今注小蟹也生海邊塗中食土一名長卿有螿偏大  
者名擁劍

蟻 嶺表錄異云卽牡蠣也初生海島邊如拳石四面漸長有

高一二丈者巉巖如山每一房蠔肉一片隨其所生前後大小不等每潮來諸蠔開房伺蟻入卽合之海夷盧亭以斧楔取殼燒以烈火蠔卽啟房取其肉貯以竹筐赴虛市以易醕盧亭盧循旣敗餘黨奔於海島惟食蠔疊殼爲牆

蚌 嶺表錄異廉州有珠池每年修貢珠戶入池採珠皆採老

蚌剖而取珠

案池七所大者曰平江楊梅青嬰次曰烏泥白沙斷望海豬而白龍尤大其底皆通海

海鏡 嶺表錄異海鏡廣人呼爲膏菜盤兩片合成殼圓中甚瑩滑日照如雲母內有少肉如蚌胎腹中有小蟹子小如豆海鏡飢則蟹出拾食蟹飽歸腹海鏡亦飽案此卽郭璞所謂蠨蛄腹蟹也又名蠨光其肉爲蠨黃可爲醬其殼爲明瓦崖州產者佳

金鏐蜆 廣州府舊志云劉鋹時取以自奉禁民採取又曰金

廣東考古輯要

卷四十六

物產

三十

口蜆生大海中

瓦屋子 嶺表錄異云蚌蛤之屬南中呼爲空慈子盧尚書鈞改爲瓦屋子以其殼上有積如瓦故名殼中有肉紫色廣人重之多炙以薦酒

貝子 相貝經云南海貝如珠可以治水毒陸機詩疏曰質白如玉紫點爲文行列相當大者徑一尺七八寸文選郭璞江賦紫蚌如渠注爾雅曰大貝曰蚌漢書曰尉佗獻紫貝五具石砮 江淹石砮賦序云海人有食石砮一名紫蚌蛤類也郭璞江賦石砮應節而揚葩注引南越志云石砮形如龜脚得春雨則生花花似草華

蜆蟪 文選郭璞江賦蜆蟪森衰以垂翹注引南越志云一頭尾有數條長二三尺左右有脚狀如蠶可食

羽族類

越王鳥 竺法真登羅山疏曰狀似鳶口句未可受二升許南人以爲酒器珍於文螺不踐地不飲江湖不啜百草不餌虫魚惟啖木葉糞似薰陸香山人以爲香又治雜瘡南越志曰鷲驢一名越王鳥

先顧鳥 登羅山疏曰五距鳥足有重距其音先顧或謂之先顧鳥似孔雀背連錢文

金鳥 廣州記曰廣甯縣有金鳥純白口脚如金其名自呼

鷓鴣 南越志增城縣多鷓鴣山雉也利距善鬪光色鮮明

白鷓 西京雜記南越王獻白鷓黑鷓各一張華云行止閑暇

故曰鷓李昉命爲閑客薛氏以爲雉類汪氏以爲白雉按爾雅白雉名鷓南人呼鷓如寒則鷓鷓聲之轉似山雞而色白

廣東考古輯要

卷四十六

物產

三十一

有黑文尾長三四尺冠距紅赤嘴丹爪

桐花鳳 赤雅云丹碧成文食不離桐花飲不離露兒女子捕之飲以蜜水用相傳玩

狼盲雞 南州異物志曰狼盲之雞特稟異聲

山雞 吳志曰合浦有山雞黑色樹栖

客雞 南越志曰高興多客雞如家雞五采至則年穰

竹雞 本草綱目云川廣有之多居竹林形比鷓鴣差小褐色

多斑赤文諺曰家有竹雞啼白蟻化爲泥蓋好食蟻也亦辟壁虱南人呼爲泥滑滑因其聲也

枕雞 嶺外代答欽州有小禽一種大如初生雞兒毛翎純黑頂下有橫白毛向晨必啼如雞聲而細人置枕間以之司晨亦名鶉子

孔貴 南方草木狀曰似小雞母

松鳧 南越志曰化蒙縣祠山上有池池中有松鳧如今野鳧  
栖息松間故俗謂松鳧

鳩 南方草木狀曰番鳩生海邊土穴中里民常以臘月正月  
捕食味如蟹過十餘日不可食合浦有之

鶉 南方草木狀頸短頭細黃魚以九月因秋風而變鶉吏民  
捕取鹽炙滋味肥美出交阯合浦

海燕 海語云海燕大如鳩春回巢於石巖危壁葺壘

翡翠 廣志曰翡色赤翠色紺楊孝先異物志曰翠鳥先高作  
巢及生子愛之恐墜稍下作巢子生毛羽益愛之又更下巢  
也

鷓鴣 楊孚異物志鷓鴣其志懷南不徂北嶺表錄異云吳楚

廣東考古輯要

卷四十六

物產

三十二

之野悉有嶺南偏多肉白而肥能解野葛并菌毒臆前有白  
圓點背上開紫赤毛大如野雞多對啼

鸚鵡 太平御覽引南方異物志曰有三種一種青大如鳥白  
一種白大如鴟鴞一種五色大於青而小於白者凡鳥四指  
三向前一向後此鳥兩指向前兩指向後行則以口啄地然  
後足從之又曰廣管雷羅春勤等州多鸚鵡翠毛丹嘴可效  
人音但不及隴山者每羣飛數百山果熟時遇之立盡忌以  
手捫背犯者卽不飲不啄而卒

秦吉了 通典嶺南有鳥似鸚鵡養之久則能言名吉了

孔雀 漢書尉佗獻孔雀二隻異物志曰形體大細頸背似鳳  
凰自背及尾皆作圓文五色相繞如帶千錢文長二三尺頭  
戴三毛長寸本草綱目孔雀自愛其尾山棲先擇置尾之地

兩則尾重不能高飛南人因往捕之

鷗 南越志曰江鷗一名海鷗在漲海中隨潮上下常以三月風至乃還州嶼生卵似雞卵色青頗知風雲若羣飛至岸必風渡海者以此爲候

五色雀 東坡大全集海南有五色雀常以兩絳者爲長進止必隨久旱而見輒兩潦則反是

蚊母鳥 嶺表錄異云形如青鷁嘴大而長捕魚而食每叫一聲則有蚊蚋飛出其翎俗云採其翎爲扇可避蚊子

獸類

果下馬 桂海虞衡志出德慶之瀧水者爲最高不踰三尺駿者有兩脊或曰以其卑小可行果樹下故名謠云果下馬相逢爲郎下果下牛相逢爲儂留亦名石馬又名雙脊馬

廣東考古輯要

卷四十六

物產

三十三

山馬 肇慶府志云深山皆有之陽江尤多似馬而有角毛似牛肉味美可爲臥具能禦濕

驛馬 南越志平定縣東巨海有驛馬似馬牛尾一角

爆牛 郭璞爾雅注云卽犂牛也領上肉爆肤起高二尺許狀如橐駝肉鞍健行者曰三百里今交州徐聞合浦出此牛

擺牛 郭璞爾雅注擺牛庠小今之攪牛也又呼果下牛出廣州高涼郡

烏犍牛 嶺南雜記出陽春電白等界毛色光膩土人飾鞍轡乘之以代驢騾

案烏犍牛疑卽擺牛

潛牛 肇慶府志生西江中形似魚能上岸與牛鬪角軟還入水堅則復出赤雅曰東粵曰潛牛西粵曰州留

乳羊 桂海虞衡志出英州其地出仙茅羊食茅舉體悉化爲

肪不復有肉食之宜人

羚羊 肇慶府志高要羚羊峽有羚羊角多節夜則掛角樹間  
木狗 冀越集生廣東左右江山中形如黑狗能登木其皮爲  
衣褥能運動氣血

啞虎 羅浮山志啞虎不嘯不啞茅君內傳山有湖岸周迴數  
里常應海潮鐵橋石柱人不到者卽有啞虎巡山因名巡山  
虎

果下豹 太平御覽引雜道書曰南海博羅縣羅山高入雲霧  
上有豹小似猿猴南海人名之爲果下豹

象 嶺表錄異廣之屬郡潮循州多象潮循人捕得象爭食其  
鼻云肥肥尤堪作炙或云肉有十二種膽不附肝隨月轉在  
諸肉越象皆青黑惟佛林大食多白象乾符中占城獻馴象

廣東考古輯要

卷四十六

物產

三十四

能蹈舞

犀 南州異物志曰犀如象火色黑頭似豪豬食草木南越志  
曰高州平定縣巨海有大犀其出入水爲之開

犛牛 本草綱目犛我者髦也其髦可旌旄也丹鉛錄云卽象  
也狀如犀而角小善知吉凶古人呼爲貓豬廣人謂之豬神  
白鹿 嶺外代答欽州有鹿大軀長角玉雪其色嘗墮蘇氏網  
幾擒而逸淳熙乙未二月有野婦抱白麕鬻於市太守鄭以  
錢得之取生牛乳飼之長大乃雌爾然馴狎可愛鄭求得張  
曲江進白鹿故事作纍金羈給掩尾之飾將進而不遂然欽  
之白鹿自昔有之不足異也

麕 太平御覽引交州記曰合浦有麕角當額上戴科藤一株  
三四條長可一尋射師不敢射

麇 漢書地理志儋耳珠崖山多麇麇師古曰麇似鹿而大麇似鹿而小

麇 字說云山中有麇必鳴以告鹿其聲几几然生東南山谷南人往往食其肉其皮作履勝於諸皮

麇 埤雅云麇性善驚吳越春秋曰章者倥偬也飲水見影則奔

風生獸 抱樸子云似豹青色大如狸生南海大林中張網取之積薪數車以燒之薪盡而此獸在灰中不燃其毛不焦斫刺不入打之如皮囊以鐵鎚鍛其數十下乃死死而張其口以向風須臾便活而起走以石上菖蒲塞鼻卽死取其腦以和菊花服之盡十斤得五百歲本草綱目云風狸生嶺南今攷十洲記之風生獸廣州異物志之平猴嶺南異物志之風

廣東考古輯要

卷四十六

物產

三十五

母酉陽雜俎之狷狽虞衡志之風狸皆一物也

鼠 張鷟朝野僉載嶺南人好蜜唧卽鼠胎未瞬通身赤蠕者以蜜釘之筵上挾取啖之

白鼠 抱璞子南陽白鼠重百斤毛可爲布

竹鼠 交州記曰如小狗子食竹根出封川縣

蒲牢 李善文選東都賦注海邊有獸名蒲牢素畏鯨鯨魚擊蒲牢輒大鳴凡鐘欲令聲大故作蒲牢於上所以撞之者爲

鯨魚

猿 北戶錄高瑯青山鎮多猿有黃緋者絕大毛彩殷鮮能伏鼠多羣行善啼者其音淒入肝脾

猩猩 爾雅猩猩小而好啼郭璞注山海經曰人面豕身能言語今交阯封溪出猩猩狀如獾聲似小兒啼

果然 南州異物錄曰交州有果然獸其鳴自呼身如猿面青  
白色體不過二三尺尾長四尺餘度身過其頭視其鼻仍見  
兩孔仰向吳錄地理志曰猿狢類也

狒狒 爾雅狒狒如人被髮迅走食人郭璞注云梟羊也山海  
經曰狀如人面長唇黑有毛反踵見人則笑交廣及南康郡  
山中有此物大者長丈許俗呼之曰山都

